



Regd.No.19134/88

<http://www.kbc.org.in>

NAI/220/99

No-G-1/Regd.Magazine/KBCThuso/MNP-81



So480

KBC THUSO

Kum 56 Ihinna

Lhaphul/May 2019



*Nute
mopohna*

JUNE EVENTS

PATE MOPOHNA

Environmen Day - 2 | Pentecost - 9 | Pate Nikho - 16 | Kumkim Sum suhtup Nikho - 28

"Kapa theng, eini pumkhat ihi bang a amaho jong
pumkhat ahitheina ding un, Nangman amahohi hong in"

John. 17:11

CBCNEI General Meeting 2019
Diphu mun a KBC a kon deligate gache ho



**Men Dept. noija Lom Resource Centre mun a natoh
hatah a amachai lai a Gambih No. 5 le 7 Pate thakon na**

CONTENTS

THUMAKAI HO

1. Editorial/Nute Mopohna	1
2. Navah u miho ang a kilanghen/LMiss Lhingjanem	3
3. Samaria Numeinu / Rev. Jangkholen Haokip	6
4. Christa palai ihiuve/Ptr. Henkhomang Tuboi	10
5. Mission Column	13
6. Men Column	19
7. Women Column	20
8. Youth Column	23
9. Literature Column	25
10. Shalom Theological	26
11. Report	27-31

EDITORIAL BOARD

<i>Chairman</i>	: Rev. Tonglet Haokip, President KBC
<i>Editor</i>	: Dr. M. Thongkhosei Haokip, General Secretary
<i>Joint Editor</i>	: Rev. Henjalen Doungei
<i>Contributing Editors</i>	: 1. Rev. Letpu Kipgen 2. Rev. Onthang Haokip 3. Rev. Kaikhokam Chongloi 4. Pastor Paokhohao Haokip 5. Pastor Satminlen Khongsai
<i>Cir. Manager</i>	: Ms. Lhingjanem Haokip
<i>Design & Layout</i>	: Hemkholen Haokip

THUSO LAHMAN

Church/Organisation/ DepartmentRs. 300/-
IndividualRs. 200/- (Post a Rs. 250/-)

Indian Overseas Bank, Imphal Branch

A/c No. 073201000000350 IFSC No. IOBA0000732

The General Secretary,
Kuki Baptist Convention,
Opp. DM College, Imphal 795001, Manipur
email: kbcindia@rediffmail.com

Advertisement bolnom hon Mobile No. 8131803543 Contact thei.
Circulation to kisai lam Mobile No. 9862633173 bol ding.



“Nute Mopohna”

Editorial

***“Nahingpa napa thungaijingin, nanu jong at-
ehset tengle nahsah mon boldan ... Nanu le
napa kipa thanom sah jingin (Prov. 23:22,25)***

Thumakai:

Amasatah in muntina um Kuki Christian chate jouse ahideh a KBC member ho jouse chung a Pakaiyu Jesu Christa minin salaam kahinpe cheh uve. Tulha thupi chu “Nute Mopohna” ahi toh kilhonin, i houbung leh lhangpi hinkhoa sahphat ding tampi lah a Nute mopohna hi jong poimo tah khat in kagelin ahi. Hiche article ah hin Kuki Christian te lah a Nute mopohna ho themkhat itahlang nomun ahiye.

Tunaicha chun Good Friday le Easter Sunday inamang uvin ahi. Pakai Jesu Christa thohna a thohkhompi ho chu iveuvin ahile numeiho jong ahivu. Pakai chu aphot laiya hou vaipoho le gam vaipohon anamat uva achungthu anatan u

chun aseijui pasal ho chu kichat na le tijatna dimin akom vela jong akithah ngam pouve. Numeiho vang chu mihon ima a asim lou jeh u ham ahilou leh Pakai a ngailut u le akhoh-sah jeh u am kichatna neilou bangin adalha pouvin ahi.

Chuleh, Pakai akivuina a thao namtui aganu u jengseh u hilouva, anithum chan agavil jing nauvah athodohnia ache/amu le ahe masapen numeiho ahikit un ahi. Chukit le, Pakaiyin seijuiho henga kimutona dinga palaiya anasol ho chu numei ho ahikit un, evangelist/ missionary lolhing tah ahiuvin ahi.

Jesu umlou nunga kipana thupha ahung machaal chun solchah Paul in sahlut tah a ananei le alekhathot jousea aseiphat le aminphah ho chu numei jong apangin ahi.

Achainan, hitiho jeh chun tulaiyin itobang dolin numei te mopohna hi kipe/kingense le pha ding ham ti gel angai tai. Amaho achan ding doltah chansah le Pathenin akounau toh kilhona amopohnau bulhitsah dingin houbunga nang le kei mopohna hipontem ti ahi. Chuleh, minu ahinauva jana le ngailut-na neiding hi chungu Bible in eithumopnau ahin, abol ho dinga phatthei channa hitei ding tahsan ahi.

Lunglut tah a sim jouse chungu Pathen van-gpeh chang taken.



Navah uchu

miho anga kilanghen

Mathew 5:16

*Lhingjanem Haokip
Secy, Women Dept,*

SERMON

Thumakai:

Vah hi mihem te a dinga ichangeija thupi ham ti ihet maban-gun, muthim noiya koiman na atong theipon, muthim a vah le ho khu atamjoa mi gilou, gucha, mithat ding ham ahilou le thilse bol ding ho bou anahi nomjiuve. Amavang khovah/vah hin mihem te din kipana apen, damtheina le lungthim nopna jong apen ahi. Vah hin anche louhing ho jong akhansah in, gancha ho jeng jong akhansah theijin ahi. Vetsah nan, ahcha Broiller vah ho khun jan khovah a light avah peh u khu ahcha ho khan let theina ding tia abol u ahin, hiche chun vah hi thilsem jouse a dinga ngaichat ahi dan avetsah in ahi.

Ahileh tun I text uva, hichebang chun navah u chu miho anga kilang hen, ati khu eihon jong itilam dolla ivah u chu miho muthei dinga ikilah

sah thei diu ham ti ana kihou lim ute.

1. Nun le khan na kilah sah ding: Lasem pan "Tui-khang len panga invah kisong

bangin" atin, Tuikhang len panga invah lentah kisong chu, Kongtol hon hoilai mun a umjongleu hiche Vah chu ah-invet uva avahmang dingho le lampi kisuh mil hon jong hitia chu invah kisong chu ahinjui uvah kongkai mun chu hung lhungjiuva ahi.

Hiche bang chun Nute eihon jong alamvai ding tasa insung, k h o s u n g, Houbung sunga ajotna ding kihet theilouva suhna ding helou hon tuikhanglen panga invah kisong amu uva alhun na ding mun al-

hun thei bangun, eiho chon na le inun ikhan ikhosah dan uva Christa mel hoina amudoh jou theina dingun pan lau hite. Mitheng Paul in kavalena chan'a hi Christa melchihna polea vah le kahi atibangin, hoilai mun'a umjong leu hen, Office kaina mun hihen, isum-

kol veina mun hihen, iloulho ithingpoh na mun hihen, ipi lampia hijongle eiho Christa a ihieu le a cha ihinao i kilah sah jinguva eiho nunle khan na a kon'a midangin Christa akimudoh dinghi Pathenin eidei sah u ahijoi.

2. Thilpha bol na lam'a kilah

sah ding:

Paul in Galatia mite kom'a 'thilpha bolna lam a chimtih neilouvin um uhite, ilhahdah lou ule apha-cha ilodiu ahi' (Gal 6:9) Apha kiti hi mijou-sen adei vangin atongdoh le aboldoh jouva mi akil-home. Hiche a

chimtih neilou kiti hi, mihem a dinga hinna pen chu An le tui ahin, hinlah idam mo ham ilungthim kipa lou kom ham le an le tui jeng jong akichim theijin ahi.

Hihen lang hijongle Nuten thilpha bolna lam'a ivah u iki-

Navah uchu



mi ho anga
kilanghen

lahsah jing diuvin ikitiemuve. Nangin Pakai min'a ahahsa agenthei khat nakithopi jong chu Pakai mitvet a manlu tah ahin, hichu nangdinga navah miho anga muthei dinga nakilah sah na khat hi ding ahi. Pakai Jesun keima min'a tuidap khon khat jeng cha hijongle nadonsah u chu van'a kipaman nachaan lou hel diu ahi, atikhu geldoh in iheng ikom hihen, ihet khah lou mi chung hihen, Pakai lhacha ho chung hijongle thilpha bol thase louvin, gunchu tah in

pang jingu hite, chuti leh mi-hon eihoa kon'a Christa mel-hoina amudoh thei diu, ivah u chun midangho jong asalvah jou ding ahi. Na vah chu mite muthei din koisingin, salvah in jan muthim phatthei nachan ding, tia la isahjio khu geldoh in, min eija kon'a vah amuthei na din mailhai sellin midang chung a thilpha bolin, chuti leh Pakai lunglhai na changthei minu ihi thei diu, nanga kon'a min vah loupi tah amuthei teng Pakai vahchoija umthei ding ahi.

Achainan,

Nungai umtah ho, tukum 2019 Nute nikho iman uva kon'a hi Pathen in nang ipia naman nom em ?. Vah homjal dingle midang dinga phat theina Minu hidinga nadei ahi. Ichen khompi insung miten Christa vah pole ihiu hi amuchen thei na dem ?. Insung salvah dingle khosungle Houbung sung salvah jing minupha, minu mantam hicheh dingin Pathenin eimangcha jing tao hen. Minu nang umjeh in insungle khosung, veng sung chule Houbung sung anom chome ti hejingin Pakaija dingle midang dingin thil pha bol in pon pan jingu hite.



SAMARIA NUMEINUN JESU AHETDAN LEH MISSION NA ATOH

*Revd.Jangkholen @James Alien
Pastor C/C M.Thingjabuong
KBC No.8*

Sermon

Thumakai:

Samaria nam mite hohi Gentile nam ahiove. Jesu Christa phatlai chun Judaten Gentile hohi Uicha tobang a anagel u ahi. Hijeh a chu Juda le Samaria te kah a kikhenna lentah anaum ahi.

VETSAHNA Jesu Christa'n Canan/Syrophoenicia numeinu ahoupina (*Matt, 15:22*) a Canan numei khat aheng a ahung in, Pakai David chapa neilungset in kachanu thilha phaloutah in aman e tin ahinsam in ahi. v24. Jesun adonbut in "Isreal phung a amangsa heng tailou adang ding a hung kisol kahipoi ati" v25 ahin numeinu ahung in "Pakai neihutan" tin chibai aboh in ahi. v26 Chuin aman adonbut in "Chate" changlhah lahpeh a uichate selhah aphapoi ati" Judate dandung juja pasal khat chu nikhat a thumvei (*Three times*) taoji ahiuvin ahi. Hiche ataonao va kipathu aseijio khatchu, Pathen numei le gentile a neipensah loujeh in tin kipathu aseijiovin ahi.

A. Samaria numeinu hi Bible a amin, aphung ahang aseipon gentile numei ahi tibou akimun ahi. ahin amanu hina themkhat kisei hochu:

*John 4:16-24 Sung a hiche Samaria numei hi ji pasal nga toh

kicheng numei ahidan akimun ahi.

*Amanu hi Judate danle Juda leh Samaria kikhah a umdan hethem numei ahi. Imacha kikomto theilou lampi a chekhom theilou ahiove

*Amanu hi nilhah lam nidan 6;00 don a Jacob twikul a tuithal a achena a Jesu Chrita toh kimuto a kihou hon ahi.

*Amanu hi Samaria khopi a mi tamtah gapui doh a Jesu toh kimuto sah chule mitamtah Jesu tahsansah a pang Missionary numei khat chu ahi.

* Samaria numeinu hi Tuibel le Tuisang a Jesu Christa khohsah jo numei ahi.

B. Samaria numeinun Jesu Christa ahinmudan leh ahinhet themdan bih 4 ho:

1. Amasa a Juda Pasal vahle dang chah a twikul hinjon a donding tuithum in anaum in ahi. John 4:9 Samaria numeinu chun Jesu jah a "Nangma la Judami nahin Samaria numei keima heng a donding tui nathum chu itidan ham" ati.

2. Tuikul neipa Jacob sang a Tuikul tamjo neiding in anamun ahi. John 4:12 Pu Nangma hi "Tuikul eipeovah amanjong don a achule agancha ho jong donsah a kapa Jacob sang a chungnungjole tuikul tamneijo nahim? ati. Tu Houbung khang a Christian numeiho/Christian minute hon Jesu Christa hi itabang lim le mel pua imu uvem? Nang a ding a itabang a namu em? Nangma cheh mudan phatah in kikhocheh un. Jesu Christa akon lhagao hinna tui kilahlou michun Luke 16:24 a mihaosapan damun meidil sung a Lazarus khutmuh a tuivet khat angaichat bang lhagao hinna tui

ihin ngaichat nikho hung umding ahi.

3. Samaria numeinun Jesu Christa chu Themgao khat in anahe kit in ahi. John 4:16 Jesun ajah a chenlang na-Inn neipu gakouvin hikom ah hunglhon in ati. Numeinun keiman Inn-neipu kaneipoi ati. Jesun ajah a Inn-neipu kaneipoi natichu naseidih lheh e, lje in em itileh nangman ji nga(5) naneitai tua nanei jong khu nangma ji ahipoi ati. Numeinun ajah a Pu nangma hi Themgao nahi ti kahedohtai ati.

4. Samaria numeinun Jesu Messiah ahi ti kicheh tah a ahet. John 4:25 Numeinu chun ajah uvah keiman messiah Christa atiuchu hung ding ahi ti kahei. amachu ahung teng ijakai eihilsoh keiding u ahinai ati. Jesun amanu jah a naki houpi keima hi amachu kahi ati. Chutichun numeinun atuibel adalhan khopi sung ahchun achen miho jah a chun hung uvin kathilbol kachonna jouse eiseidoh pih jeng mikhat hung vevin hiche hi Messiah hikhat ding hitam? agati hitichun miho khopisung akon ahungpot doh un Jesu heng ah ahung uvin ahi. kathil bol kachonna jouse eiseidoh pih e tia numeinun ahettosah jehchun Samaria khopisung a mitamtah in Jesu chu atahsan taovin ahi. Jesu thuseijallin mitampin atahsan be uvin ahi. Numeinu jah achun, nangma thusei keova katahsan u ahitapoi, keiho tahin kajaovin chule hichepa hi

vannoi huhingpu ahi tijong ka-hetaove atiovin ahi.

C Jesu Christa hinahettei ding ho:

1. Jesu Christa hi Pathen Chapa, chule Pathen chu ahi.

Matt,16:16,Heb,1:8.

2. Jesu Christa hi thiljouse sem-doh Pathen chu ahi. *John 1:3.*

3. Jesu Christa hi atonsot apat a anaumsa tonsot Pathen ahi. *Jn. 1:1,8:38.*

4. Jesu Christa hi hatchungnung Pathen leng ho leng Pakai ho-jouse Pakai chu ahi. *Matt,28:18 Rev,19:16.*

5. Jesu Christa hi abul le aleh, Alpha le Omega ahi. *Rev,22:13.*

6. Jesu Christa hiijakai hesoh, mu-soh, muntin a umsoh Pathen ahi. *Matt,18:20 Mk 2:8,Heb 13:8.*

7. Jesu Christa hi thilsem jouse leh Vantil ten ahouding u Pathen chu ahi. *Phi,2:10,Heb 1:6.*

8. Jesu Christa hi mithisa hojong kaithouding Pathen ahi. *John 5:24.*

9. Jesu Christa hi lhamonsah lhagao theng eipeuvah Pathen ahi. *John 15:26.*

10. Jesu Christa hi Van le leiset asung a umjouse neipa ahi. *Ps 24:1.*

D. Numei kisem lona ajeh.

Genesis 1:27 khu ivetle Hitichun Pathen in amalim mongmong in Pasal le numei asemдох tan ahi.

Gen 2:1 hitichun vanleh leiset le asung a thiljouse asem joutai. Pathen in tol a leiset chu alan mi-hem asem in mihem nahhon teni achun ama HINNA HU alhalut pih a ahile mihem chu mihing khat ahidohtai. Bible a kimudung jui-jin vanle leiset le asung a um thil-jouse mangcha ding, vetupding, chule achung uva thuneiding a mihem kisem ahidan imuvin ahi. Hiche toh kilhon in numei asem lona jong ajeh lentah aum in ahi.

1. Numei hi pasal kithopi dia kisem ahi. *Gen,2:18* Pakai Pathen in jong "Mihempa achangseh aumhi anompoi, akithopi ding aki angngatpi ding khat sempeh ing kate ati" *v21* Mihempa chu a imutmilsah in a imut lankah in anahgu ahehlhan anung chu aphen atomjolphin, chuin anah-gu chun NUMEI khat asemдох in mihempa heng ah ahinpuilut in ahi. Numei hi pasal kithopi ding kitihin numei hi neojo, nemjo tina hilouvin aumlou hitheilou ahijeh a Pathen in loupitah a asemjoh ahi. Pasal chu tahsa le lhagao hinkho a abulhin theina dia numei nangma kisem nahi tin English ten Suitable helper ati un ahi.

2. Numei hi mihem vangboh chanpatna ahi. Pasal kithopi dia numei asemдох jouvin PHATTHEI aboh in ahi. *Gen 1:28* Pathen in amani chu phatthei aboh in ajahlhon ah hingpha hon inlang pung lhon in leiset chung hungdimset lhon in ati.

Vanle leiset chule asung a um thiljouse chung a thunei ding le vaiho-pna hinphan lang damthei inlang chule mihemjat apunbe nading kitijouse hi NUMEI kisemdoh jouva phattheina chu umpan ahitai. Numei akon a Pathen le numei kikah a thilni(2) anaveo hite. *1.Gen 3:6* sung a nu masapen Eve Pathen in angansena anasuhmil jeh in alungsung a thubelap nomna, jouthu seina, nehphalou duchtatna, tahsa mit dei-chatna etc. ho SATAN lheplhah na akon in anaumdoh in ahi. Hitichun vannoi pumpi chonset in anapuilit in ahi. *Rome 3:23* ajehchu mijouse hi chonse ahitai. Pathen loupina chu changlal ahitaove. *NT a Luke 1:30-38* sunga MARIAM Pathen in angansena bang a hinkho thengtah aman-jeh in vannoi hihhingpa PAKAI JESU CHRISTA mihem mela ahung kijil a ahungpen nanu chule ahungkhan lhitna nu in ahungpang in ahi.

THUCHAINA

Nu masa Eve jallin leiset pumpi chonset naleh gaosapna gentheina chule tahsa le lhagaova thina anaumdoh jongleh Nu Mariam jallin mihemjouse din tahsa le lhagao a tonsot hintheina Eden chonset ngaid-amna chuleh Pathen Chanute/chapate ichang taovin ahi.

Pakai Pathen in asimjouse phatthei bohjing taken AMEN.

KBC GAMBIH 17 WORKERS



Pathen lungset in KBC Gambih No. 17 in April 25 - 27 2019 sung in Lakhan Baptist Church munnah Gambih Workers Prayer Fellowship akinei khom in lolhing tah in akichai tai.

Pastor Thangmang Haokip
Pastor KBC Gambih 17

"TAHSAN CHATE JOUSE CHRISTA PALAI IHIUVE"

2 Corinthian 5:20

By: Pastor Henkhomang Tuboi

Sermon

Thumakai: Tahsan Chate adingin Pathen deibanga hingding, chonding, athupeh nit a Ama natos sanga thupi joding hijesu Christa lungthim a adang aumpon ahi. Ajehchu Jesu Christa in eiho sochat nadinga eiho hina chonsetna chu apoh a athipi ahiye. Hichu tuni geiya asuhmil ngailou ahiye. Aman eiho themmo na apoh a thi ahin, atahsan chate jouse Ama hina cha (Son of God) chu ihitauvin. Atohanb suh jopdinga eina lhatdoh u ahitai. Hijeh achu solchah Paul in huhuhingna achan jouva athupipen Pathen natos na chu alah a, Christa Palai te chu tahsan chate hi ihuive tihi *Cor.5:11-20* sungin aseiyeh.

PALAI (Ambassador) kiti chu:

1. Gamkhat thalhenga palai a gamchom a um. 2. Agam miten thupeh dungjui a na atohding/thu aseiding. 3. Gam teni kijopmat na kitup tah a vetsuiding. 4. Lamkai te deidan a thusei le natos di apodoh ding chu palai dinmun chu ahiye. Adihtah achu dinmun thupi tah chu ahiye. Lei-set adia palai te chu agam adia palai ahin, Jesu christa Pathen a kisan a tahsan jouse chu lei le van sempa palai ihuive.

Bakht Singh chu USA a Gospel kipana thupha jalla ache masatpen chun kiphonna aneina achun kei ka min bakht Singh Ambassador for Christ tin ana kiphong in ahi. Hijeh chun tahsan chatte hi Leng Jesu nungjui ihi nauva hetding chu:

1. Van gam Lha ngaijing leiset na umnalai, 2. Pathen deidan le Bible toh kitoh a chonding, 3. Chonset na a lhute pathen melmate chu pathen toh kicham sah ding, 4. Huhingna kipana Thupha phongjal te chu Christa palai ahi ti hi hetjing angaiyin, idinmun diujong chu ahiye.

CHRISTA PALAI TE KIHETNA CHU ITOBANGA HAM?

Christa Lungthim pu te ahiuive (*Phil.2:5-8*). Hiche lai Bible chang

sunga hin solchah Paul in Philip-pi mite henga aseidoh Palai te lungthim putdi dan aseichu imudiu ahi. Hichea Christa Pathen ansunga kineosah tah a Pa Pathen thupeh banga ahinna hi imu uve. Palai te chu kingai nemtah a, kineosah tah a Pathen na atohding, amavang aneo hilou hel ahiye. Hahsat nale boina tamtah lah ajong Pathen natos na ahi Pathen deiya pan lahjing ding hi ahi. Pathen hi phat-thei chan nading bep, eihuhhing

ding bep, eipanpi dingbep a bou deiding hilou ahi. Genthei namun a eipanpi dia kidei eima Ama eingachat banga kipang ngaplou chu palai kiti theiponte. Mi tampi in Penthah na in Christian hinkho a nga tauve. Nungchon dinmun tampi hi penthah jouva Christa palai hina kihetlou ho chu ahiye.

Amangthai te Ngailu jing ahiuve (Matt. 9:36). Tulai houbung sunga tahsan chate holah a amangthai geldoh theilou tamtaht aumtai. Jesu Christa leiya alenlai chun Galilee gama khopile khoneo ho a kipana thupha ahilaiyin, damlou te damna ape in, mipi hon lah avetlai injong achingbei kelngoite bangin amu in alainatpi lhez in ahi. (Mat.9:36) Jesu hin leiya alenlai le Thingpel chung gei chun amangthai te agelkhoh na chu alungset lhez jengin ataopeh jingin ahi. (Luke 23:34). Jesu lungthim hi akidan na chu amangthai te alungset jing hi ahiye. Tuni changei yin Gospel kipana thupha jallin, suhgenthei nale kithana niseh in kija jing jeng jong le atahsan ho hin taona puma Palai hina a hi amangthai te gelkhoh na jalla ilungthim uva hi ngailutna le lungsetna muchi hi itu jing uva ingailut jingdiu hi athupilhez e. Paul in kipana thupha angolpina, athipi ngapjeng ajeh chu, migilou tah Huhhing na le ngailutna achan chu akihet chen apat in, twichung le genthei hahsat na munjousea pathen ngailut na in kacham louva eisol ahi ati (2Cor. 5:14).

Missionary to China Hudson Tay-

lor chun China Inland Mission kiti noiya missionary china gam adia ana kalsong mi thum ho thudoh na nei achun hiti hi ana kidonbut to uvin ahi. Ipidinga Missionary dinga hungkon doh nahiuvem? Tia aban neicha a thu adoh leu

Khatna: Christa chun chedinga eisol jeh a chedinga hung kahi ati.

Anina: Christa in Leiset gamkimvel a kipana thupha gasei yun atijeh a kahung ahi ati.

Athumna: Christa henailou mitamtaht mangthai diho jeh a kahung ahi ati. Hudson chun apha i apha i ahin mission natoh na a nadin jouthei nadiuv in thilkhat sei inge "Christa Ngailutna in Eisol ahi" ti hi athupi a nageldoh lou ule napan joulou diu ahi anatie. Christa ngailut na jaolouva natoh, tao, thilpeh, thusei chule adang dang ho Christa jaona lou chu pannabei ahiye. Hijeh chun Ngailut na in Christian hinkho hi mang tei go in.

Jesu toh Kitho khom/Kivopkhom te ahiuve (*Solchahte 4:13*). Jesu hi eihuhhingpu ahi tia hechen a, solchah ho lah ahin, Peter le John hin amaho phatlai chun hangsan tah in vannoi ahin, huhhing nadin mindang kipea aumpoi tin ana sei hon in ahi. Ahin thunei vaihom ho in ana phoh jing uvin ahi. Ahin amani le adang ho chu aha kat chehcheh uvin ahi. Kipana thupha ahilhang le hon akham joulou uchu amukit phat uvin, ama ni la lekha them ahi honlou chu ahe uvin ahi. Ahin amani akon a amu chu atil abul

apat Jesu toh kivopkhom ahiu chu amudoh uvin ahi. Hiche a hin palai te hin didan chu akimu in ahi. Miten mihao le mibolthei, miching in eimu hih jongle Jesu toh kivopkhom/kiloi khom hina a eimudiu hi athupi lleh jeng in ahi. Tulai tahsan te Houbung lamkai te min iti eimu uvem? Sum le pai ajong tahsan umlouva eimu uvem? Nei le gou va bou lunglut na eimu uvem? Politic abou lunglut, MLA, Minister, thingnoimi tobou kithokhom nom, nato umlouva lamkai a eikimu chu Gospel suminse te chu ahijenge.

Amavang Christa palaite chu atao-mi, tha le jung, nei le gou Pathen leh alenggam adia kiphal a lunglut tah a natong, hinkho dih, thenna hinkho le neile gou nei, thil phalouva kihei mi hilou hitobang michu palai dihtah chu ahi in ahi. Nangma jong Jesu toh kivop ahilou le kilhon khom jing ahi ti hi miten nachunga namu thei na uvem? Ole miten iti namu uvem.

JESU TOH PANGKHOM TALOU TULAI HOUBUNG : Jesu christa pathen ahitia houte, Ana tongte, lamkai te kigel phau hite. Nei legou lh-inna dingbouva lamkai, kelngoi atamtai. Houbung hi kisel na a nei mi atamtai. Sum umna he, Pathen umna helou. Haona thei ding ngaito jingjeng, hou in kaiding geldoh talou. Lhagao huhhing nadia houbung sunga camp Crusade, pilhin na camp khohsah talou. Aneh ding kimu jing Mission box lha khatsunga jong akeu aumtai. Elec-

tion ahung hile dih lou vote peh jong khoh kisa talou, ahat hat kigoi ngapcha ta, adihlou le ahelou khat kihet gil poule term ijat kai jongle adih lou sa sa a kison sonjeng, hitobang hohi houbung sunga pathen toh pangkhom lou kihetna houbung chu ahitai.

Thuchaina: Leng Solomon in Pathen deidan a vai ahom a ahinlai chun Pathen phattheina sim senlou Pathen in anape in ahi. Ahin ajiteu vin midang te milim hou agamsung a apohlut phat in Pathen lungthim palai hina chu anatan, atunbang le athupehbang hin na atoh tahlou jeh ahiye. Chu in Israel gam akehtan ahi. Jacob Chilhah ten gam som le ni ahung kikhen un, sahlanoilang kiti in, kidou uvin ana kithat leu uvin ahi.

Eiho lah ajong jum le jamo thu le kitha na kidemna, kidouna apung lleh jengtan ahi. Solchah Paul in Corinth houbung mite henga thutan na angunga mijouse dingdi ahi tihi asumil a atamtai. Tunin Palai dinmun a dingjouse chun geldoh ute. Corinth houbung sunga ahin, Christa chu eiho khella hungthi ahi ti ahe uvin, hinla Christa Palai ding hi angam pouve. Eiho jong Kipana thu chu ihe uvin hinla ana itong tapou vin apalai hina chu itong tapouvin ahi. Christa deidan le alunglam chu hol in, chule tahsan umtah a chonna chu gunchu tah in tujingin, ajeh chu alhatdoh chate ho jouse hi Palai ihiuve. Asimjouse Pathen in phatthei boh tauhen.

Mission Column

KBC Mission in TUV 300 P6 akichotai.

66th KBC General Assembly a mipite kinopto na dung jui jin Mission Board in ahin kiboipin Mahindra TUV 300 P6 thah khat Show Room a kon ana kila tan ahi. Model thah 9 seater ahin mitampi program a



chekhom nathei ding tia kila ahi. Office a Bolero gari 5 jen umnung sanga Bolero mama lah ding chu hoi kisa hih a mitamdol ding tia TUV hi kila jo ahitai. 10th April nin Rev Dr Thongkhosei Haokip KBC General Secretary in thenso na anei jin Mission Board jouse pannan Manipur KBC Evangelist jouse leh office staff jousen kipah tah in Gari thah vailhun na cha anakidon khom in ahi. Pathen in hiche gari thah hi phatthei eiboh peh u henlang Ama leng gamna toh na a lentah a pang joujing din eivenbit peh jing taohen.

Mission Conference 2019 thua Seminar anakibol.



Ahung Ihung ding 14-17th November 2019 sunga Kangui College Compound Kangpokpi muna kibol ding Convention Mission Conference 2019 chung changa kijah mat na Meeting KBC office muna 13th April ni chun anakinei jin ahi. Hia chun Gambih lamkai jouse le Cen-

tre Church le Gambih houbung phabep a Mission lamkai ho kimuto khom na anakinei pin ahi.

Ahung Ihung ding Mission Conference 2019 hi atila Youth Focus a bolding anakiti ahi. Hinlah hichu hitalouva Convention houbung jouse hopma boljoh tahdinga ahung kigon phat in budget ana kigong chu akisemphan Rs 26,00,000 Lacs joh hidin kiphath sah na akineitai. Centre Church phabep le Gambih Houbung phabep ahung kilheng doh in angaija kumsung Mission budget ahin pehdingu chungchona noiya kitah lang sumjat hi ahin pehbe ding u vin kinoptona akinei tai. Budget hung kigon peh be Houbung hon apoh beding jat uchu noiya hin ahung kitah lange. Hiche houbung jouse hi kipa piu hitin boina umlouva ahinpeh jou cheh nadiu vin itaonao vah hin geldoh jingu hite.

Kumtamta jouva Mission Conference kibol ding hi alolhin nading eiho khutna akingame.

Centre Churches

1. C/Church Kpi	Gambih no 05	=Rs 3, 00,000
2. C/Church Molnoi Area	Gambih no 16	=Rs 2, 50,000
3. C/Church Salem Vill. Sapormeina	Gambih no 04	=Rs 1, 50,000
4. C/Church Langol	Gambih no 01	=Rs 1, 00,000
5. C/Church New Lambulane	Gambih no 01	=Rs 1, 00,000
6. C/Church B. Vengnom	Gambih no 08	=Rs 50,000
7. C/Church Tuibong	Gambih no 08	=Rs 50,000
8. C/Church NGV	Gambih no 01	=Rs 50,000
9. C/Church Chavangphai	Gambih no 15	=Rs 50,000
10. C/Church Canan Veng Imphal	Gambih no 01	=Rs 50,000
11. C/Church S. Canan Veng	Gambih no 08	=Rs 50,000
12. C/Church Lamphel	Gambih no 01	=Rs 50,000

Total = Rs 12, 50,000

Local Churches

1. Chassad Avenue Baptist Church	Gambih no 01	=Rs 50, 000
2. Litan Sareikhong "	Gambih no 02	=Rs 50, 000
3. Moreh "	Gambih no 15	=Rs 50, 000
4. Songphal "	Gambih no 02	=Rs 20, 000
5. L. Chajang "	Gambih no 02	=Rs 20,000
6. S. Phailengkot "	Gambih no 02	=Rs 10, 000
7. Molcham "	Gambih no 08	=Rs 20, 000
8. Saijang "	Gambih no 03	=Rs 20, 000
9. Pashong "	Gambih no 02	=Rs 10,000
10. Mulam "	Gambih no 02	=Rs 10,000

11. Pangjang	"	Gambih no 03	=Rs	10,000
12. Molkon Khopi	"	Gambih no 03	=Rs	10, 000
13. Molkon Bazar	"	Gambih no 03	=Rs	10, 000
14. G.Songlung	"	Gambih no 04	=Rs	10, 000
15. N.Songlung	"	Gambih no 04	=Rs	10, 000
16. G.Kholep	"	Gambih no 04	=Rs	10, 000
17. Sipijang	"	Gambih no 04	=Rs	10,000
18. Solam	"	Gambih no 05	=Rs	20, 000
19. Songjang	"	Gambih no 06	=Rs	10, 000
20. Kotlen	"	Gambih no 06	=Rs	10, 000
21. Saheibung	"	Gambih no 07	=Rs	10, 000
22. NK Manbi	'	Gambih no 07	=Rs	10, 000
23. Leijang Khopi	"	Gambih no 08	=Rs	10,000
24. Kulbung	"	Gambih no 09	=Rs	10, 000
25. Tuinom	"	Gambih no 09	=Rs	10, 000
26. Haijang	"	Gambih no 10	=Rs	10, 000
27. M B Saichang	"	Gambih no 11	=Rs	10, 000
28. Tuilelon	"	Gambih no 12	=Rs	10, 000
29. Chahkap	"	Gambih no 12	=Rs	10, 000
30. KananVeng Moreh	"	Gambih no 15	=Rs	10, 000
31. Khudengthabi	"	Gambih no 15	=Rs	10, 000
32. Molnom	"	Gambih no 16	=Rs	10, 000
33. Sinam	"	Gambih no 16	=Rs	10, 000
34. Saivom	"	Gambih no 16	=Rs	10, 000
35. Gangpijang	"	Gambih no 19	=Rs	10, 000
36. Saisijang	"	Gambih no 19	=Rs	10, 000
37. Khopijang	"	Gambih no 21	=Rs	10, 000
38. Lonpi Khonou	"	Gambih no 21	=Rs	10, 000

Total =Rs 18, 00,000

+ Rs 8, 00,000

Grand Total =Rs 26, 00,000

Good Friday le Esther Sunday 2019 kipah tah in anakimang e.

Kumdang lhadang bangin tukum in jong Pakai thini Good Friday le Chonset gal jouva athokit ni Easter Sunday Convention houbung mipi jousen boina umlou vin kipah tah in anakimang in ahi.Houbung tampin hiche nikho hi Christa thi lunghemna le chonset galjouva atho kit kipa na Pathen houkhom nan amang in ahi.Houbung phabep chun hiche phatsung hi khangdong nungah gollhang ho Baptist bolna phat in amang e.Chule hiche phat sung hi lhagao lama kicho thouna (revival program) phat a mang jong tampi aume.

Muntina Convention Pastor hon hiche phat sunga akiman chah nao internet a upload ahin bolun kipa thanop aum lheh e. Hitabang nikho loup i mukit din Pathen in houbung mitheng te jouse phat thei eiboh jing taohen.

Langkhat a vanoia pumpi Christian ten kipah tah a Christa thokit na nikho init jing lai un Easter Sunday manga houinn kailai Sri Langka gama ISIS suicide bomber hon Houinn le hotel abulu uvin bomb apojal sah un mihem 320 val athi tan ahi. Athiho hin a Pathen hou u athipiu ahitai. Lhagao thua igel teng vangam a Jesu Christan analam to ding dan igel leh thanop aumpih lheh uve. Ada lhah u insung miho ding le agam a din taonan geldoh jingu hite.

Sri Lanka khopi Colombo a Esther Sunday nikhoa Bomb kipojal sah a kitha na gimnei.

Sri Lanka gam Colombo khopia achesa 21 April nichun mun 6 a bomb hat tah pokeh jeh in mihem 320 val athin tampi akitong khan ahi. Bomb pokeh nahi in Houinn thum le five star Hotel thum ahi. Jinglam 8:30 am don a Esther Sunday nikho Jingkah Pathen ahoukhom pet tahuva thil soh ahi.

Thilsoh umdan lahchom:

Houinn kaipeta Bomb pohkeh chu suicide bomber hon atahsa chunga bomb ahin poh uva mipi laha chu amehpoh uva amaho jong thitha ahivu. 24 April nichanin mithi 321 alhingan ahi.

Bomb pokeh na houbung hochu:

1. *St Sebastian Church (Colombo khopi),*
2. *St. Anthony Church (Western coast of Negombo)*
3. *Zion Church (Eastern Town of Batticaloa).*

Five Star Hotel Bomb pokeh na mun ho chu ahileh

1. *The Sangrila*
2. *The Cinnamon Grand*
3. *The Kingsbury Hotel ho ahivu.*

Hiche bomb pohkeh ho laha ahin St Sebastian houinn a pohkeh hi agimnei deh in mithi jong hiche lai ja hin atam deh e. Hiche bomb hin houinn kotle window jouse chule inchungkhu gei jin asepsen mihem thilong houinn sunga chun athang soh e akiti.

Sri Lanka mihem dinmun:

Sri Lanka gama hin mihem 22 million aume. amaho lah a hin 70 per cent hi Buddhist ahin, 12.2 percent Hindu ahin, 9.7 Muslim ahin chule 7.6 Christian ahi.

Hiche bomb kisuhpoh khuma mihem hijat that hohi Islamic State of Iraq and al-Sam (ISIS) ten keiho khut nung ahi atiuvin ahi. Hiche this-oh gimnei hi achesa 15th March nikho a New Zealand gama Christ church muna pasal khat amin Brenton Tarrent kitipan lungsetna beihella Muslim taona mangho laha meithal akapa mi 50 atha chu phulah na a sri lank agama kithana gimnei hi soh hidin ginmo na anei-ue. Hiche bomb poken na ahin foreign mi 35 athin hilah achun India mi jong 10 apang e. Hiche thilsoh jou hin India khopi ho ajong tuhin Houinn thupi hoa a government in security akoi tan ahi.

Hitabanga mona neilou mihem kitha nahi abolhon Pathen mina abolu hijong leh mihem lungput pulouva ganhing lungput puho natoh ahi. Hitabang kitha na gimnei hi vannoi leiset mijousen them mo chan dinga lom ahi. Hitabang toltha na hi Avella hoilaimun hijong leh asokit lou nadia eihon jong pan ilah uva, vannoi pumpi hopma taona iman jing dinga angaije.

Athiho jouse ipohnat hu uva ilung hempi jing laiun adalhahu insung mite Pathen in lhamon lungmon na apeh nadin itaonao vah geldoh jing u hite.

KBC Mission Field Serou mun a Fasting Prayer

Pathen mapuina tutua KBC Mission Field Serou mun a Nisim 1-4 April 2019 nin KBC Gurkha Missionary ho jouse kipunkhom in Serou Baptist Church mun ah Oneday Fasting Prayer akineijin chujouvin nidang in Home visiting akineijin, Pathen jallin lolhing tah in akichaitai. Chule hiche Programme kimanna chungchang a Sumle pai, thil le lo, thildang dang a ngaicha jousea eipanpih u KBC Houbung mite jouse chung ah kipathu seijoulou vin kahinphong e.

Chule Meitei Hindu Family khat amaho insung chu mi nga(5) Pathen houvin lahlutna jong akineitai. Hiche Programme hi Rev. Jeeten le Evan. Prem Thapa mapuina noi ja kigong ahi. Serou Mission Field hi maban ah Pathen in mapuijing taken

Pakai lhacha

*Rev. Jeeten Gazmer, Supervisor Nepali Field.
Baptism Programme le Zakai Ministry*

Keikol Baptist Church mun ah

Dt.3rd March 2019 Sunday nikhon Keikol Baptist Church mun ah Rev. Ibomcha Singh, Supervisor Meitei Field, khut ah Jesu Christa kisanpum in tuilitna aneitaove.

Zakai Ministry

Dt.31st March 2019 Sunday nin Meitei Baptist Church, Moreh ah Zakai Ministry akibolin Pathen jallin mi 160 tabang in pan ahungla e. Pathen in Zakai Ministry phungvuh jing taken.

Pakai lhacha -Rev. Ibomcha Singh Supervisor Meitei Field

Bhekuliang VBS



Tuni Bhekuliang VBS achaini ahitoh lhon'in jingka lamin class ni akichelha jouvin quiz lesson dungjui anaki neijin, chule games kichep golseh jong chapangho anakinei pi in, chujouvin VBS closing ceremony akineijin, programme sungah Awards hopdoh najong Pr. Nabin anamangin ahi, closing ceremony kichai jin photo session, students hole teachers limkap kichaijin ahung kikhom VBS students, teachers chule akisalel houbung lamkai ho toh ngailut ankong nekhomna akineijin ahi. Heche programme lolhin theina dinga taona, sum, thale junga hungpang ho chungah kipathu kahin phonge. VBS programme lolhina eipeu vah Pa Pathen thangvah in umhen.

Kakipah e.

Evan. Lalboi Kipgen

MEN DEPARTMENT.

65th KBC ASSEMBLY 2018 Resolution No.5/65/2018: Men Department Recommendation N0.5: Lom Resource Centre (a) Lom Resource Centre Caretaker/ Chowkidar goiding akiti tohlhon in Mr. Letjahao Haokip, Gambih No.4. C/C S.Salem Sapormeina din lhendoh ahi toh lhon nin.1st April ni apat nin atong pantan ahi.

LRC mun na natoh machaljing.

- (1) Tanky khat kisemchai ta.
- (2) Electric kilah lut nading nga natoh machaljin.
- (3) Lampi kisem chaivah ding hita.
- (4) Fancing sepchai ding kon cha hita.
- (5) Chowkidar Quarter sah kipan ta,

Nakitong ho jotheng nga aum nathei ding ngin, Pathen heng nga tao na toh thon pan la jing uhte,toh gon ho alolhin thei na din.

KIPA THUPHON:

Lom Resource Centre mun nah, 13th, April 2019, nin Gambih No. 5. Men Department te Mi 47 (mi somli le sagi) ahung kon doh uvin pontho tah inna jong lentah atong doh uvin ahi leh achung cheh uva kipa thu ahung kiphon nge.

Date 27 April 2019 nin lom resource centre mun a Gambih No. 7 pate tomngaina neitah in na ahung tong uvin ahileh achung uvah kipathu akiphong e.

Pathen nin natong a hungho jouse phatthei boh jing ta hen. Amen.

Rev. Kaikam Chongloi, Secy. Men Dept. KBC.

LYDIA RESOURCES CENTRE TAO NALE THILPEH

Nisim 17/4/2019 nikhon gambih no. 20 nute lamkai ho makainan akho akhoa nute lamkai hole houbung lamkai phabep toh gambih pastor pao pastor Mangboi le a inneipin LYDIA RESOURCES CENTRE



tao nale thilpeh le tilkhon na pum in ahung vil un a chungchek uva kipathu sangtah in kahinphong. Thilpeh ahin choi hou chu:

1. Local rice 2 bag
2. Potato 1 bag.
3. Daal 15 kg.
4. Bongnoi everyday kg 1.
5. Sum Rs 700/.

Achainan avellin Gambih 20 nute jouse le pastor pu chule gambih 20 houbung jouse chung a kipathu kahinphong in Pa Pathen in phatthei naboh taohen KAKIPAH UVE.

LYDIA RESOURCES CENTRE VIL NA



Nisim 14/4/2019 nikhon S. Kanaan Veng C/C nute lamkai nam church Pastor patoh LYDIA RESOURCES CENTRE vil na ahung nei un tilkhon nale taopeh na chule

thilpeh jatchom2 jong ahung nei un achung uva kipathu sangtah in kahin phonge. Pathen in S.Kanaan veng houbung mite phatthei boh taohen.

KIPA THUPHON.



Dt. 6/4/2019 ni hin B.Vengnom Centre Church a um Pu Paowa Khongsai KBC Women President nu Hekim khongsai inneipu in Lydia a um Handloom trainees hon anme atuidom akichoh nadio vin dangka 500 8 a kipathu akiphongin Pathen in a insung u Pat-thei boh taohen.

GAMBIH NO.3 IN LYDIA RESOURCES CENTRE GAVIL



Dt.6/4/2019 nikhon Gambih no.3 gambih nute hole akho akhoa nute lamkai jouse chule Gambih pastor Pa Pastor Lunkholal ,Salem Saikul Centre Pastor pa Pastor Letlal,Rev Letsei chule Gambih chairman pu Lelen abonchaova 37 vel ahung un Centre Pastor pan tilkhon nale taopeh na anei in nuten Ngailut thilpeh in Rs 4000 ahin peove.Pathen Gambih no.3 houbung mite jouse phatthei bohtahen.Achainan avelin kikipah uve.

LYDIA RESOURCES CENTRE GIRLS BOARDING

*Managed by KBC Women Department,
Churachandpur Hmar veng opposite Samaritan hospital.*

Koitobang Churachandpur khopi sunga chate naote numei CI.XI- CI.XII simlai nei a umna kitup holhon hinjot thei ahi. Lhagao le tahsa a phatah a kipui hoina mun ahi. Neh le don jong thengtah le inn a tobang a kibol ahi. Bath room toilet chule ijakai kitup tah ahi. Lupna lekhasim na chule kitchen jong theng tah a kibol ahi. Mission bol ahijeh a Mission natong khat in amun a achen khompia phatah a lhagao le tahsa a vettup na anei ahi. Lunglut na neihon contact no. tenia kihou chen pi thei ahi 8119030725 or 9612017839. Monthly a hostel le mess fee hi 2016 apat 2018 chan 3500 anahi ahin. Hinlah thilman nasatah a ahung kalbe toh lhon a tukum 2019 apat a monthly a 500 kikal sah be ahitai.

ADMISSION : Rs. 1000/ Monthly Fee : Rs 4000/
Form man : Rs. 100.

Amun hi mun kilemtah ahi .

Working Women Hostel Thua Hetsah

Tukum 2019 a Hostel mi lhomcha bou kila theiding in aum in hijeh chun aum nom hon Hostel Warden kom a form June 1 - 5 sung a kilahthei ding ahitai.

Form 15 kal kihom louding ahi.

Form submission June 10 masang a bolteiding.

BA I year bou kila ding in hetsah na ahung kineije

YOUTH LEADERS MEET

Assembly kiphatsahna bangin tukum jong Youth Leaders Meet umkit ding ahitoh Ihon in kouna lekha thot jong ana kineitan chule anoiya banghin gonna akineiyin ahi.

Amun : KBC Centre Church, New Lambulane

Anikho : 5th June 2019

Aphat : 10:30 AM – 3:00 PM

Resource Person : Rev. Boipu Serto, MBC Youth Secretary,

Conduct : Pu Thokhongam Haokip,
KBC Youth Vice President

Lemna Thusei : Gl. Thangkholun Singsit,
KBC Youth President

Kipa Thusei : Rev. Satminlen Khongsai,
KBC Youth Secretary

Apangdingho : Gambih hihen Local Houbung hileh Youth lamkai tapou pang chehdia temna ahi.

GAMBIH YOUTH-TE HETSAHNA

Assembly a kiphat sahna bangin Youth Vehicle Project jong tun alolhingkhath in aumtan, hinla sumlepai hi suhtup gangdi akid-eijeh in KBC Houbung jousea member jousen ato dia lom gihsa louva hung kigong chu ihin gelkhoh uva ihin tocheh uva, Youth lamkaiho ihin pehcheh diu amahon Youth Leaders Meet teng ahin pohcheh diuva hetsahna le temna hung kinei ahi. Hito Ihon chun Youth lamkai jousen hingel khohcheh dingin temna jong kahin neiyin ahi.

BQ Application jong akithotsoh tobang ahitan, ijem tia Gambih a alhing lou aumkhah leh ikihetsah to cheh diuva temna jong kahin neikit ahi. Chuleh Application Form jong aphatcha ihin submit diuva hetsah ihuue. Form toh kikoitha BQ Admit Card chu isalhah uva phatecha ina kikoi cheh uva Exam nikholeh ina kichoi diuva hetsahna jong hung kinei ahi.

Assembly a kiphatsahna bangin Youth Music Project jong kigong ahin, ahinla tukum Youth te kin lentah Youth Connect kiti umding hi-jeh in hiche hi ol-ol a lamkai hon ahin boipi jing diu ahitai. Hito lhon chun taonan geldoh jing ute.

YOUTH CONNECT 2019

KBC Youth Department le KBA Youth Department in agon khom Youth Connect 2019 kitihi kigotna aumjing lai ahi. Anikho hi Sports Authority of India langa kon a Events ahungdoh akingah jinge, ajeh hun Khuman Lampak Sports Complex a hiche kinhi kineigo ahijeh ahi. Ahinla kigot thei nadin alhangpia mi tampi deisah khat chu Durga Puja sutu lai hi ahi, ana kimmelchih jing ute. Hiche kingon hi khangthah-te lah-a tahsa le lhagao lam'a kisuhhal nading le kitil khouna dinga kigong ahitoh lhon in anoiya banghin hetdia thupihoh akigongin ahi.

Kitetna Alhangpia Umdingho:

Football

Volleyball

Tug of War

Shot put

Choir Lasah

Choreography/Melodrama

Hetlouva khoh:

Gambih jouse athon umthei louding

KBC Youth jouse pangcheh ding

Gambih jousen kitetna jousea pan lahcheh ding

Kitetna jousea Gambih khatna team khat cheh hiding

Klteta item ah panghih jongleh ahung nomchan hungthei, kijahda thei louding

Nilhah sehleh Live Worship umding, tilkhouna thuseina jong umding

KBA le KBC sunga Upcoming Gospel Artiste mi 4 a kon vahchoi la-sahna jong umding

Kitetna ding Application Form hi Youth Leaders Meet teng kihom ding

Literature Column

SUNDAY SCHOOL AWARENESS CAMPAIGN

13th April, 2019 (Saturday) ni'n Gambih No. 2 a din Zalenbung Baptist Church, Gambih Centre mun'ah ONE DAY SUNDAY SCHOOL AWARENESS CAMPAIGN anakibolin lolhing tah in anchelhan ahi. Kikhop'na Chu Pu Ngullam Kipgen, Committee Member, Literature & Publication, KBC in alamkaiyin, Rev. Haoneo Haokip, Secretary, Literature & Publication, KBC in Sunday School Boldan thu aseiyin, Rev. Dr. Paul Paolen Haokip, Member, Literature & Publication Committee & Lecturer, MTC in Chiristian Themjil Bulphu thu aseiyin ahi. Rev. Seboi Tuboi, gambih Pastor in kin lhandoh taona le ahung kikhom gambih miho phondohna aneyin, Pu Thanglal Dounge, Gambih Chairman in kipa thu aseiyin, gambih men Chairman in phat chaina Pathen thangvahna taona amangin ahi. Hiche kin'a hung kal song a pan hung la a programme hung lolhin sah gambih Pastor le atoh khompi gambih lamkai ho, houbung lamkai ho, Sunday School Superintendent ho le jilkung hojouse chungu Pakai minin kipa thu sangtah in ahung kiphonge. Neh le don, chule toh le tham dang dang'a mijen'na a nsatah a pan eilah peh u gambih Centre houbung (Zalenbung) Head Deacon le atoh khompi houbung lamkai ho le houbung mipi ho jouse chungu jong Pakai minin kipa thu sang tah in ahung kiphonge. Pathenin ipan lah na'u le itoh phat na'u chung'a phat thei eiboh uhen lang, ikikhop lona'u Sunday School lam a jong machal be theina lung le tha ehin pe tau hen!

LITERARY MEET - 2019

Literary Meet 2019 ding chung chang thu'a hetsah'na lekha thot le KBC Thuso masa ho'a hung kiso ho inamu cheh diu tah san aumin, hito lhon chun ipan'na ding Competition Item ho (Essay Writing, Poetry Writing, Painting, Extempore Speech ho) a Application Form kilah a Apply bolding kiti chu KBC Office a Literature Secretary Room a kon'a ikilah-uva Apply ibol pan theiyu ahitai. Application Form kilah ho jousen 2019 June lha kichai kah a KBC Office a Literature Secretary kom'a peh lut ding (Submit bolding) ahi.

KUM KHAT (2019) SUNG'A HOLY BIBLE PUMPI THUMVEI SIMCHAI MASA

Pathen thu (Bible) sim lam'a kitilkhouna'a kigong Kum khat (2019) sung'a Holy Bible pumpi thumvei simchai masa kitet'na a pontho tah a pan la ho chung'a Pakai minin kipa thu sangtah in ahung kiph-jongin ahi. Tuchan'a simchai jong um maithei tan tin, asimchai kon jong um maithei tan tin, pontho tah a pang lhum dingin Pakai minin tilkhouna le tem'na ahung kinei yin ahi. Asimchai masa khat a pat thum chan kipaman (First - Rs 5000/-, Second - 4000/-, Third - 3000/-) aumtai. Asimho kipapina le tilkhouna in Pakai minin asim chai lina a pat som (4th - 10th) chan a mi khat a Rs 1000/ ahilou le mi ni/ thum, a ding Rs. 2000/ 3000/- ahiloule 4th - 10th chan'a ding agomin Rs 7000/- a dingin pan lange ti koitobang iumkhah u jong le Pakai minin kipah tah in lem ihuue. Result hi asimchai khat a pat som chan (1 - 10th) aumteng le bou mipi hetdia hung kiphong doh ding ahi.

Rev. Haoneo Haokip,
Secretary
Literature & Publication KBC

Shalom Theological Column

DEACON TRAINING GAMBIH No. 8 - 11



Achesa April 22-25 2019 sunghin Shalom Theological College makaina noiya KBC Gambih no. 8,9,10 le 11 hopsung a Deacon ho training S. Molcham Baptist Church Gambih No. 8 mun ah akibol in Deacon 70 ahung kikhom doh in lolhing tah in akichaitan Pathen thang vah in umta hen. Che programme lolhin na dinga hungki mangchaho jouse le khonei te chung ah kipathu akiseije.

Chate Camp - Lungngil Baptist Church



March 21-24, 2019 sung in Rev. Onkho Haokip, Gambih Pastor le a inneipi Dr. Nemneivah Haokip, Speaker le Resource person hina in Houbung sunga chate camp lolhing tah in ana bol uvin ahi. March 24 nikho in Houbung sunga tahsan twilut mi phabep ana kibol in ahi.

Gambih An-ngol Taokhomna

KBC Gambih No. 11, Sangaikot gamkai chun April 12 & 13, 2019 sung in Baptist Church MB Saichang munnah 2019 sunga Gambih An-ngol Taokhomna aneivei channa lolhing tah in ana nei tauvin ahi. Hiche taonkhomna achun Rev. Onkho Haokip, Gambih Pastor in Thupi seina



le Revelation lekhabua Seminar class anei in, Pastor Tingoulen Haokip, Centre Church Sangaikot in taona lamkaina aneyin ahi. Gambih sunga houbungho in kenglam saotah tah le gari lam hahsa tah tah ajot un Gambih ding le Pakai lenggam machalna ding in taona ana mangkhom uvin, mi 140 val ana taokhom uvin tuchanna Gambih sunga An-ngol Taokhomna kibolna a mi tamnapen kikhopna anahin ahi. Taokhom umna amun houbung MB Saichang Baptist Church in jong nasatah in kigotna le gambih mite vailhunna chule sasahna ana nei uvin ahi. Convention sunga ngailut umtah mite injong Gambih No. 11 machalna ding le damna dinga taona kop jing ding in ngehna jong ahung kinei in ahi.

Good Friday & Easter Sunday



April 18-21, 2019 sung in MB Saichang Baptist Church munna Houbung mite in Rev. Onkho Haokip, Speaker hina in Good Friday & Easter Sunday lolhing tah in ana mang thei uvin ahi. Hiche toh kilhon chun April 20, 2019 nikho in MB Saichang le Makhao Tampak Houbung sunga mi 12 ho tahsan twilut ana kibol in ahi.

Pu Paolemmang Hanghal,
Secretary, Gambih No. 11

GAMBIH 13 NUTE ANNGOL TAOKHOM

Gambih 13 Nute Anngol taokhomna kum seh a ana kibol jing chu, tukum adin Dt. 7th, April 2019 nin Sehao B/Ch. mun ah Gambih



Pastor, Khupjoyful Singson Seaker in apang in nute mi 60 vel hotoh Pathen thahatna jal in lolhing tah in ana kimang chaitai. Lolhinna eipeu Pathen hatchungnung chu choi-atna le jabolna ka hin peuve.

Neichong Haokip.
Chairperson

Nengjalam Haokip.
Secretary

Gambih No. 15 in Kum 25 Lhinna Silver Jubilee

Achesa Nisim 14-04-2019 nikho chun Kuki Baptist Convention Gambih No. 15 Houbung 15 lhingset in Kum 25 Lhinna Silver Jubilee chu loupi tah in ana kimang tan ahi. Gambih Pastor Rev. Thanglen Haokip min Song hondoh na anei in Pastor Haopu Principal Dr Colvin in Jubilee Message ase in Pastor Thangtinlal Pastor C/C Chavangphai in Souvener thenso na anei in Chuleh



Gambih Choir hon Jubilee la ngaitah asa u vin ahi. Kipa umtah chu Gambih Pastor masa ho jouse jong ahung lhao vin Pathen lungset na jal in lolhing tah in akichai tai. Pathen thangvah in umjing taken.

Rev. Thanglen Haokip Pastor Gambih No. 15 Moreh Gamkai.

CBCNEI ANNUAL GENERAL MEETING (AGM) LOLHING TAH A KICHAH.

Achesa 26-28 April 2019 nisung chun Diphu khopi Karbi Anglong a 69th CBCNEI Annual General Meeting ana che lhan ahi. Hia chun Philipine gama kon Dr Jerson B. Narciso le Professor Joshua chu Pathen houkhomna Speaker in apang lhon e.

Hiche meeting a hin NorthEast gama Baptist Convention 6 akon le Affiliated houbung ho akonin delegate 150 vel ahung kikhom in ahi.

Angaia CBCNEI Term of service rule dungjui jin Rev Dr Solomon Rongpi General Secretary CBCNEI natoh kum nga ahung lhon tah to lhonin Convention jouse leh Association hon vailhah na kin anei piuvin eiho KBC in jong Blanket khat le Thangnang Necktie khat lhah nan anakipen ahi.

Tua athah a CBCNEI General Secretary eipoh peh ding paohi Rev Dr Akheto Sumi Eastern Theological College Principal hina a kon hung lut ahi.



Hiche Annual meeting ahin KBC a kon thalheng in Rev Dr M.Thongkhosei Haokip General Secretary, Rev Haoneo Haokip, Rev Henjalen Doungei, Pu James Doungei, chule driver Haothenlal Doungei aga kichen ahi.

M.Th. HINCHAITHAH GL. KAIGOULAN SITLHOU KIPAPINA

GL Kaigoulen Sitlhou S/O (L) Pastor Lhoukholal Sitlhou, Kangpokpi Former Education Secretary KBC .

GL. Kaigoulen Sitlhou hin Pathen lungset na jallin Tukum April 2019 Chun Aiwzal Theological College Mizoram mun' a Theology Department a M.Th ahin chaitan ahi.

Adam a ahileh M.Th hi First Class a ahin chaithei dingin aumin KIPA pi aum lheh jengin ahi. Kangpokpi Centre Church a dinga Jong KIPA pi umtah that ahin, Adam leh Apa tohban tong their dia ahung kipeh doh hi Houg miten KIPA Pina the thot kahin neijun ahi.



Pathen in ama lam hinkho a phat their boh Jing taken.

Pakai Leng gam'a dia natoh khompiu

Rev Lamkeng Lhouvum
Pastor, KBC Centre Church Kangpokpi.
25th April 2019

KUKI BAPTIST CONVENTION

(Govt. regd. No. 2432 of 1978 under Society Regn. Act. XXI of 1860
Co-Operating with CBCNEI through MBC)



EXECUTIVE COUNCIL KOUNA

Amun : Centre Church, Langol, Gambih No. 1

Anikho : 13th August, 2019

Aphat : 7:00am

Pakaiya ngailut umtah, KBC Executive Council member ho jouse, minngei chungnung i-Pakaiju Jesu Christa min in kangailutna le kajana salam kahin bol e. Achesa 66th KBC General Assembly a kilolna inei dungjuu uvin, Pakai kum 2019 apat Executive Council neiding chuleh Council nivei touding itiu chu achung a kipe mun le phat a hi akhatvei chana Council inei diu ahi ti hetsahna kahin neije. Hijeh chun member jouse ibon chauva kipah leh thanom tah a thonlouva ipan cheh diuvin Pakai min in hetsahna leh temna kahin neije.

Executive Member dingho chu:

*President le Vice-President,
Department/Board/Committee a Chairman le Chairperson ho,
Convention sunga Pay worker jouse, HOD jouse,
Gambih jouse a Chairman le Secretary jouse,
Centre Church ho a kon thalheng mi 1 cheh,
Men, Women, Youth Work Committee member mi 5
Ex-President (a nukhah pen)
Ex-General Secretary (a nukhah pen)*

Note:

*Registration fee Rs. 250/- cheh hiding ahi.
Mun gamla ho chu lhunna, gena kigon peh ding ahi.*

Pakaiya natohkhom piu,

(Rev. Dr. M. Thongkhosei Haokip)
General Secretary
Kuki Baptist Convention (I).



Bhekuliang, Arunachal Pradesh mun a KBC Missionary Lalboi Kipgen leh Pastor Nabin chule Evan. Seiminthang Kipgen Kithokhom in VBS lolhing tah in akichaitai.

Songphel Area a Mission natohna a manchah ding in Songphel Baptist Church in Missionary Kamal Tamang Pulsar Bike khat ana chopeh un, Office mun ah Mission Board member hotoh lhandohna ana um in ahi.



KBC
Gambih No 15
Silver Jubilee
lolhing tah in ana kimang chaitai.

Jubilee Song hondohna
 Rev. Thanglen Haokip,
 Pastor Gambih 15 in
 aneitana ahi.

Post Regd. MNP/81
Regd No. 18134/88



26-28 April 2019 sung a CBCNEI 69 charnna General Meeting

If undelivered, please return to
The Editor, KBC Thuso
KUKI BAPTIST CONVENTION
Opp. DM College, Imphal - 795 001
Contact: 9862633173